

*Med føresetnad om Stortingets budsjettvedtak kunngjør vi tilskott til lokale lyd- og bildemedium for 2023.*

## Tilskott til lokale lyd- og bildemedium 2023

### **Søknadsfrist er tysdag 8. november 2022.**

Tildeling av støtte til lokale lyd- og bildemedium for 2023 vil gå føre seg i to omganger.

I denne omgangen kan du søke om støtte til:

- driftstilskott til digitalisering av lokalradiostasjoner
- driftstilskott til lokalradiostasjoner for etniske og språklege minoritetsgrupper
- driftstilskott til bransjeorganisasjonar for lokale lyd- og bildemedium
- tilskott til deltaking på nasjonale arrangement for lokalradio og lokal-tv i 2023, for eksempel Norsk Lokalradioforbunds landskonferanse, Radiodager etc.

*Høvet til å søke prosjektstøtte til programproduksjon, kompetanse- og utviklingstiltak og tilskott til utbygging av digitale lokalradionett vil bli kunngjort i siste halvdel av januar neste år med søknadsfrist i månadsskiftet februar/mars.*

### **Hovudmål for tilskottsordninga**

Tilskottsordninga har som hovudformål å bidra til mediemangfald, ytringsfridom og å styrke den demokratiske funksjonen til dei lokale lyd- og bildemedia i samfunnet.

Regjeringa har ei målsetting for denne tilskottsordninga at den skal bidra til digitaliseringa av lokalradio i Noreg, og derfor skal om lag halvparten av midlane øyremerkast til dette formålet.

### **Kven kan søke om tilskott**

Alle med konsesjon til lokalkringkasting kan søke om tilskott. Det same gjeld konsesjonærar og registrerte kringkastarar som hovudsakleg tilbyr innhald retta mot eit lokalt publikum. I tillegg er det éin søknadskategori for nasjonale samanslutningar for lokale lyd- og bildemedium og éin for anleggskonsesjonærar i digitale lokalradionett.

Søkarar som skal kunne få tilskott, må tilby direkte og regelmessige sendingar frå eigen stasjon/plattform etter ei programoversikt, jf. kringkastingslovens § 1-1 om definisjon av kringkasting.

Støtteordninga omfattar *ikkje* audiovisuelle bestillingstenester og podkastar, det vil seie ei teneste som lyttar eller sjåar må hente opp og avgjer tidspunktet for å sjå eller høre på.

Det er likevel ingenting i vegen for at ein lokalkringkastingsstasjon eller ein registrert kringkastar i tillegg kan distribuere innhaldet sitt gjennom ei audiovisuell bestillingsteneste eller podkast.

## Kva kan du søke om tilskott til nå

- 1) driftstilskott for digitalisering av lokalradio
- 2) driftstilskott til nasjonale samanslutningar for lokale lyd- og bildemedium
- 3) driftstilskott til lokalradioar for etniske og språklege minoritetsgrupper
- 4) tilskott til deltaking på nasjonale arrangement i 2023, for eksempel Norsk Lokalradioforbunds landskonferanse, Radiodager etc.

### 1. Driftstilskott til digitalisering av lokalradio

Alle med innholdskonsesjon til digital lokalkringkasting i Lokalradioblokka kan søke om driftstilskott i denne søknadskategorien. Det same gjeld innholdskonsesjonærar som driv lokalradio i Riksblokk II, registrerte kringkastarar og anleggskonsesjonærar i Lokalradioblokka.

#### a. Lokalkringkastingsstasjonar og registrerte kringkastarar

*Radiostasjonar med innholdskonsesjon i Riksblokk II og registrerte kringkastarar må leve særskilt dokumentasjon på at stasjonen hovudsakleg tilbyr innhald retta mot eit lokalt publikum, og skal derfor fylle ut et eige skjema om dette, sjå vedlegg. Du skal fylle ut skjemaet og laste det opp som vedlegg til søknaden under delen «Vedlegg og merknad» i søknadsskjemaet.*

Driftstilskottet kan blant anna nyttast til leigeforpliktingar / avtale om sending i eit digitalt lokalt radionett eller kostnader til leverandørar av nettradiotenesta.

Driftstilskottet til digitalisering skal vere teknologinøytralt. Det betyr at du kan søke om driftsstøtte til å dekke kostnader for sendingar på andre digitale flater enn DAB, for eksempel sendingar via Internett.

Vi vil prioritere søknader som gjeld (uprioritert rekkefølge):

- radioverksemder med avgrensa sendetid eller der sendingane dekker eit område med svakt kommersielt driftsgrunnlag
- nisjeradioverksemder som sender i sløkkeområda for FM-sendingar
- radioverksemder som har gode og realistiske planer/prosjekt for samarbeid med anleggskonsesjonærar

Lokalradio som skal søke om driftstilskott til digitalisering, skal legge ved:

- budsjett som viser driftsutgiftene til digitale sendingar i 2023, jf. ovanfor om dekning av driftsutgifter
- Utfylt skjema om lokalt innhald og nedslagsfelt for sendingar – gjeld radioverksemder som sender i Riksblock II og registrerte kringkastarar
- Kopi av distribusjonsavtale med anleggskonsesjonær – gjeld radioverksemder som sender i Lokalradioblokka og Riksblock II

Søker du om driftsstøtte i fleire regionar, må du prioritere mellom søknadene for dei ulike regionane. Du kan gi opplysningar om prioritering i merknadsfeltet i søknaden.

Lokalradioverksemder må levere éin søknad for kvar region det blir søkt driftstilskott for.

### **b. Anleggskonsesjonærar i Lokalradioblokka**

Driftstilskottet til anleggskonsesjonærar gjeld tilskott til drift av anlegg i Lokalradioblokka.

*For anleggskonsesjonærar vil typiske kostnader dekke drift, vedlikehald, innplassering i nettet og leigeutgifter til stasjonseigar.*

Vi vil prioritere søknader som gjeld anleggskonsesjonærar som bidrar til eit lokalt mediemangfald gjennom forpliktande leigeavtalar for lokalradioverksemder i regionen.

Vi gjer merksam på at ein søker som har anleggskonsesjon i fleire regionar i Lokalradioblokka, kan søke om driftstilskott for kvar region.

Anleggskonsesjonærar i Lokalradioblokka skal opplyse om:

- region i Lokalradioblokka det blir søkt tilskott for
- talet og namn på operative sendarpunkt (frå Nkom) i regionen det blir søkt driftstilskott for
- kven som er sendaranleggseigar der sendarpunktet er plassert

Du skal laste opp budsjett for driftskostnader og leigeinntekter i 2023 for regionen som vedlegg til søknaden.

## **2. Driftstilskott til nasjonale samanslutningar for lokale lyd- og bildemedium**

Følgande generelle kriterium vil bli lagt vekt på ved behandling av søknader om tilskott:

- Tal på medlemmer
- Eigarmessig mangfald blant medlemmene
- Aktivitetsnivået til organisasjonen basert på budsjett og dokumenterte aktivitetar

Du som søker om driftstilskott skal legge ved:

- rekneskap for 2021
- budsjett for 2023
- fullstendig prosjektframstilling

### 3. Driftstilskott til lokalradioverksemder for etniske og språklege minoritetsgrupper

For å få driftstilskott til lokalradioverksemder er det eit vilkår at verksemda i all hovudsak rettar seg mot etnisk-språklege minoritarar. Kvalifiserte radioverksemder kan få eit minimumstilskott på 25 000 kroner. Tilskottet skal maksimalt utgjere 50 prosent av dei totale inntektene til verksemda basert på rekneskapen for i fjor.

Du som søker om driftstilskott, skal legge ved:

- rekneskap for 2021
- budsjett for 2023

### 4. Tilskott til deltaking på nasjonale arrangement

Lokalkringkastarar og registrerte kringkastarar (lokalradio og lokal-tv) kan søke om tilskott til å delta på nasjonale arrangement. Det er en føresetnad at deltakinga på arrangementet tilfører stasjonen kvalitetsmessige forbeteringar. Eit eksempel på arrangement du kan søke om støtte til å delta på, er Norsk Lokalradioforbunds landskonferanse, Radiodager etc.

Det blir gitt eit fast og maksimalt tilskott per arrangement til den enkelte stasjonen til dekning av deltakaravgift og reise- og opphaldsutgifter.

#### Behandling av søknader

Medietilsynet forvaltar tilskottsordninga, og det er Medietilsynet som gir vedtak om tilskott etter innstilling frå Fagutvalet for tilskott til lokale lyd- og bildemedium. Fagutvalet vurderer søknader basert på formålet til tilskottsordninga slik den er nedfelt i forskrift om tilskott til lokale lyd- og bildemedium og informasjon i denne rettleiinga. Rettleiinga skildrar kva for kriterium som vil bli lagt til grunn i behandlinga og innspel til kva søknaden skal innehalde for å bli prioritert.

Søknaden blir vurdert ut frå faglege og økonomiske kriterium og blir gitt som eit rundsumtilskott, fastsett etter ei skjønnsmessig vurdering av kva som er eit rimeleg bidrag frå staten. **Det blir stilt krav om minimum 20 prosent eigendel.**

Søknader som er mangelfulle og/eller manglar obligatoriske vedlegg, vil normalt bli avslått eller ikkje behandla. Medietilsynet får langt fleire søknader enn det er midlar til. Dette betyr at prosjekt som blir vurdert som gode, også kan få avslag eller få lågare støtte enn det er søkt om.

Søkarar som leverer fleire søknader innanfor same kategori, må prioritere søknadene tydeleg. Fagutvalet vil på sjølvstendig grunnlag prioritere dei ulike søknadene opp mot tildelingskriteria.

Du kan vente svar på søknaden i januar 2023.

## Portalen «Mi side» og søknadsskjema

Du søker om tilskott via portalen «Mi side» som er Medietilsynets digitale sjølvbeteningsside for søknadar og registreringar for deg som er medieaktør.

Om du ikkje allereie har ein [Mi side-brukar](#) hos Medietilsynet, må du kontakte oss for å bli registrert. Send ein e-post til [lokaletilskudd@medietilsynet.no](mailto:lokaletilskudd@medietilsynet.no) med følgande informasjon:

- namn på selskap
- namn på kontaktperson som skal nyttast
- e-postadresse til kontaktperson

**Husk å registrere deg som brukar på Mi side i god tid og minst to dagar før søknadsfristen går ut. Søknadsfristen er tysdag 8. november 2022.**

Før du søker via Mi side, bør du ha følgande klart:

- konsesjons- eller registreringsnummer hos Medietilsynet
- fullstendig prosjektframstilling
- budsjett/finansieringsplan
- budsjett 2023 og rekneskap for 2021 (gjeld berre for lokalradioar for etniske og språklege minoritetsgrupper og nasjonale samanslutningar for lokale lyd- og bildemedium)
- Kopi av distribusjonsavtale med anleggskonsesjonær (gjeld berre lokalkringkastingskonsesjonærar og registrerte kringkastarar som søker driftstilskott til digitalisering)

Fullstendig prosjektframstilling, budsjett/finansieringsplan, eventuelt rekneskap og annan obligatorisk dokumentasjon må du laste opp i det elektroniske søknadsskjemaet.